

energia ol tiu per **ne**, kiu ofte konfuzigas por la orelo kun la simpla nea adverbo, oni kutimiĝis almeti **sen** al substantivo *senpere* derivitaj de verbaj aŭ adjektivaj radikoj, tiom pli facile, ĉar la verbeo aŭ adjektiveco de radikoj ne estas ĉiam unuavide evidenta: 1 (verb.) *~aga*, *~atende*, *~brila*, *~cela*, *~ĉesa*, *~danka* (Kp *nedankema*), *~defenda infano* Z, *~efika*, *~ekzerca*, *~fino*, *~honla*, *~kompata*, *~morla*, *~mova* (Kp *nemovebla*), *~okupa* (Kp *neokupita*), *~peka* (Kp *nepekema*), *~preparu*, *~profila* (Kp *neprofitiga*), *~prukaste*, *~puna*, *~signifa*, *~zorga*, *~dependa*, *~interrompa* (Kp *neinterrompita*), *~partoprena*; *~scieco* Z. 2 (adj.) *~forla* Z, *~kulpa*, *~laca*, *~pera*, *~prudenta* Z, *~sperta*, *~sprila*, *~utila*. Pri tiu lasta klaso, la prefikso **ne** estas preferinda, precipe kiam oni almetas sufiksojn al tiuj kunmetitaj adjektivoj: prefere al *~erarema*, *~graveco*, *~klereco* Z, *~laŭgeco* estas konsilinde uzi *~erarema*, *malgraveco*, *malklereco*, *nelaŭgeco*.

11° Por derivi el substantivo, helpe de la sufiksoj *ig* k *iĝ*, verbojn signifantajn senigon de la ideo esprimata en la substantivo: *~arbigi* Z (*senigi* je arboj), *~homigi* Z, *~haŭtigi* Z, *~mebligi* Z (Kp *ig* 1°, D, b) *~movigi* Z, *~hereditigi* Z, *~kulpiĝi* Z, *~kuraĝigi* Z (Kp *ig* 1°, D, Rim. 1 k 2), *~briligi* Z, *~kolorigi* Z (Kp *ig* 1°, D, b k Rim.).

Senato. 1 Ĉe la antikvuloj, reganta komitato el nobeloj (Kp *PATRICIARO*). 2 Plej alta leĝofara anaro aŭ supera ĉambro en parlamento. *~ano*. Membro de *~o* (Kp *PATRICIO*, *LORDO*).

* **Senco.** 1 Ideo pri tio, kion esprimas vorto aŭ frazo: *tiun vorton mi uzas ordinare en la ~o de* Z; *la ~o de ambaŭ vortoj estas malsama* Z; *sen la akuzativo la ~o ofte estas neklara* Z; *kelkaj verboj havas duoblan ~on* Z; *la ~o diras al ni, ke la sufikso estas necesa* Z; *la ~o ne montras al ni, kian prepozicion uzi* Z; *la akuz. dependas nur de la ~o* Z; *propra ~o*; *metafora ~o*; *dub(a) ~a*. 2 Komprenebleco: *la lula vivo perdis en miaj okuloj ĉian ~on k valoron* Z. **Sen-*a*.** 1 (io) Havanta nenian *~on*: *sen-*e**, *nek al lemo*, *nek al celo* Z. 2 (io) Malsaĝa.

* **Sendl** (tr). 1 Irigi iun; ordoni aŭ fari, ke iu iru de unu loko al alia difinita

loko: *~i siajn servantinojn por anonci* Z; *~i por voki iun* Z; *~i por venigi la kuraciston*; *lu reĝo ~is forprenigi lin de la altaro* Z; (f) *re-*i** (atentigi) al *Z-a esprimo*. 2 Portigi ion; ordoni, ke io estu portata de unu loko al alia difinita loko: *~i ŝlonojn per jetilo* B; *~i teleron*; *mi ~is mian fotografajon al mia palro* Z; *~i al iu donacon* Z; *li ~is al mi promeson, ke li ellernos nian lingvon* Z. 3 (f) Direkti ian efikon, agon al io; *jeti 3: la suno ~is siajn radiojn*; *la fulmo ~is pereigan fajron*; *~i sur iun malbonon* Z; *mi ~os ĉiujn miajn fraĵojn sur vian popolon* Z; *~i al iu per la fingroj multe da kisoj* Z; *la akva spegulo re-*as* la bildojn de la arboj*; *re-*a* pronomo*. Kp *EKSPEDI*, *ADRESI*, *DIREKTI*. **~lto.** Oficiala reprezentanto de unu regno ĉe alia regno, havanta rangon malsuperan al tiu de ambasadoro: *~iton oni ne punas nek insultas* Z. Kp *DELEGITO*, *NUNCIO*, *AGENTO*. **For-*i*** (tr). *~i por forigi*.

senecio *ĝ.* G. de komponitoj, ornama planto, uzata en la terapio (*senecio*).

sensio *ĝ.* = sentumo. *~aro*. La kvin sentumoj. *~aĵo* = sentumaĵo, seuscacio 2. *~ismo* *ĝ.* Doktrino, laŭ kiu ĉia kono venas de la *~aĵoj* k nur de ili. Kp *EMPIRISMO*.

sensacio = sensacio 2.

Sensacio. 1 Forta impresio sur publikon. 2 *ĝ.* Spirita impresio ricevita per iu el la kvin sentumoj.

sensualismo *ĝ.* Doktrino laŭ kiu ĉio rilatas al la sentorganoj.

* **Senti** (tr). 1 Ricevi per iu el la kvin tiucelaj organoj impreson, kiu sciligas nin pri la ekzisto k la ecoj de la eksteraj objektoj: *mi ~as agrablan odoron*; *oni ~as neniun bloveton de l' vento*; *ĉiuj internaciaj organizoj ~as tute klare la lingvaĵn barojn*. 2 Konseili pri io, kion oni ne precize imagas aŭ konceptas: *vi ĉiuj ~as, ke la verda standardo estas io pli ol simpla signo de lingvo* Z; *ni ~as nin kiel samgentanoj* Z. 3 Ricevi agrablan aŭ malagrablan korpan impreson: *ili batis min*, *sed mi ne ~is* Z; *~i doloron*, *suferon*, *turmenton*, *ĝuton*, *volupton*. 4 Ricevi agrablan aŭ malagrablan spiritan impreson: *~i gojon*, *plezuron*, *feliĉon*, *enunon*, *ĝenon*, *kordoloron*; *~i la bezonon de io* Z; *ek-~i limon* B; *~i sin bonege* Z, *kvaŝaŭ hejme*;